

# SCUELE DI AVOST



**APLIS DI DAVÂR • 27, 28 e 29 di Avost dal 2018**

Dopo dal sucès de *Summer School* di furlan par insegnants de scuele de infanzie, primarie e secondarie di prin grât dal an passât, o sin a presentâus il program de seconde edizion. Il lûc al è confermât e cussì o passarìn trê dîs insieme tal incjant des monts a Davâr, localitât Aplis, par partecipâ a un percors di formazion articolât e increditât daûr des Liniis Vuide MIUR 2016-2019.

Il program al previôt lezioni frontâls cun esperts docents de Universitât e professioniscj che a tignaran aprofondiments di linguistiche, gramatiche, letulture e didatiche, oltri aes ativitâts laboratoriâls che a permetaran di cognossi e meti in pratiche metodologjicis inovativis e buinis pes diferentis etâts dai students (art, storie, musiche, tecnicis artistichis, bai tradizionâi, visitis compagnadis tal teritori oltri a dut il rest...).

La partecipazion e je libare e gratuite: si pues iscrivisi a dut il percors formatîf, dome a une zornade o dome a une o plui lezioni, i timbris te tessare personâl a atestaran lis oris fatis (cui che nol à ancjemò la tessare la varà in cheste ocasion domandantle tal moment de iscrizion ai 27 di Avost).

Al è pussibil fermâsi e stâ te stesse strutture dulà che si ten il cors o in struturis dongje. La prenotazion e lis spesis par durmî e par mangjâ a son a caric di ognidun dai partecipants.

Si domande di segnâsi ae iniziative (specificant i laboratoris sielts) dentri di lunis ai 20 di Avost midiant de schede di iscrizion disponibile tal sît [www.scuelefurlane.it](http://www.scuelefurlane.it). La schede e va compilate in dutis lis sôs vôs e inviade ae direzion [info@scuelefurlane.it](mailto:info@scuelefurlane.it), **la iscrizion e je valide dome se us rivarà une rispueste di conferme**, se no clamait il 0432.501598 (int.5).

La iniziative e previôt massime 100 iscritti.

Al è disponibil ancje il servizi dal Centri Estîf di Tumieç par intratignî i fruts (dai 3 ai 11 agns) tes oris des lezioni. Il servizi al è organizât de cooperative sociâl Maciao che si pues contatâ al n. 0433 468141 par acuardis direts (la cooperative e je sierade par feris dai 13 ai 17 di Avost).

Par vê plui informazion si pues domandâ ae referente dal DocuScuele, dot.e Antonella Ottogalli, clamant des 9:00 aes 13:00 di lunis a vinars al 0432.501598 - int. 5 o scrivint une mail a [info@scuelefurlane.it](mailto:info@scuelefurlane.it).

## DOCUSCUELE

CENTRI DI DOCUMENTAZION RICERCJE E SPERIMENTAZION DIDATICHE PE SCUELE FURLANE

li de Societât Filologjiche Furlane, vie Manin 18 - 33100 Udin

tel. 0432.501598 - int. 5 | [info@scuelefurlane.it](mailto:info@scuelefurlane.it) | [www.scuelefurlane.it](http://www.scuelefurlane.it)

DOCUSCUELE al è un progjet finanziât de ARLeF e de Regjon Friûl Vignesie Julie

Finanziât di:



Fat di:

Societât  
Filologjiche  
Furlane



Società  
Filologica  
Friulana

**ARLeF**  
AGENZIE  
REGJONÂL  
PE LENGHE  
FURLANE

Cul patrocini di:

 UTI della **CARNIA**

In colaborazion cun:



# SCUELE DI AVOST 2018

## LUNIS AI 27 DI AVOST 2018

Lezioni frontâls	9:30 -10:30	Regjistrazion dai partecipants, salûts des autoritâts, presentazion Docuscuele			
	11:00-13:00	Taule taronde PLUI LENGHIS A SCUELE? SÌ, SI PUES! Esemplis di buinis praticjis in cjase nestre par cure di <b>Serena Martini</b>			
	13:00-14:00 polse pal gustâ				
Laboratoris	14:00-15:30	<b>Gabriele Zanello</b> Leterature furlane 1			
	15:30-18:30	LAB 1 <b>Tai lûcs dal taramot</b> Capî la nestre storie leintle tai monuments e in particolâr midiant dal grant lavôr di recupar e di restauri dal patrimoni storic, artistic e architetonic fat dopo dal sisme dal 1976. Cun <b>Morena Maresia</b> , restauradore de Sorintendence Archeologjie, Bielis Arts e Paisaç dal Friûl Vignesie Julie. <b>Pe primarie e secondarie di prin grât</b>	LAB 2 <b>Fossii, testimonis dal passât</b> Visite virtuâl dal Museu Gjeologjic di Dimpeç cun laboratori didatic scientific. Par cure di <b>CarniaMusei</b> . <b>Pe primarie</b>	LAB 3 <b>Musiche Mestris! Prime Lezion</b> Percors di doi dîs par cognossi diferentis metodologjii di didatiche musicâl midiant tescj ineditis fats a pueste pe ocasion cun chê di furnî ducj i struments pe composizion autonome. Insom dal percors ancje indicazioni preseosis par direzi i vuestris fruts intune corâl a plui vôs o a canone. Cun <b>Arianna Plazzotta e Elena Paroni</b> , Mestris di musiche. <b>Pe scuele de infanzie e primarie</b>	LAB 4 <b>Il sît archeologjic di Sant Martin</b> Visite compagnade ae glesie e ae aree esterne dai sgjâfs, dulà che si son cjatâts elements impuartants di une basiliche paleocristiane. Cun <b>Nadia Tacus</b> , insegnante e vuide autorizade. <b>Archeolic par une di...</b> Laboratori pratic par imparâ a lei la storie midiant dai rescj e de stratigrafie. Cun <b>Federica D'Orazio</b> , archeologhe. <b>Pe primarie e secondarie di prin grât</b>
	18:30-20:30 polse e cene				
	20:30-22:00	Sorpresa sot des stelis...			

## MARTARS AI 28 DI AVOST 2018

Lezioni frontâls	9:30-11:00	<b>Ada Bier e Marcella Menegale</b> Ricerche Azion - Struments didatics inovatîfs par capî e risolti i problemis de classe.			
	11:30-13:00	<b>Ada Bier e Marcella Menegale</b> Ricerche Azion - Struments didatics inovatîfs par capî e risolti i problemis de classe. Esercitazion pratiche.			
	13:00-14:00 polse pal gustâ				
Laboratoris	14:00-15:30	<b>Gabriele Zanello</b> Leterature furlane 2			
	15:30-18:30	LAB 1 <b>Tai lûcs dal taramot</b> Capî la nestre storie leintle tai monuments e in particolâr midiant dal grant lavôr di recupar e di restauri dal patrimoni storic, artistic e architetonic fat dopo dal sisme dal 1976. Cun <b>Morena Maresia</b> , restauradore de Sorintendence Archeologjie, Bielis Arts e Paisaç dal Friûl. <b>Pe primarie e secondarie di prin grât</b>	LAB 2 <b>Creatîfs par nature</b> Lassâsi inmagâ de Nature par dâ respîr ae creativât cul segn, il dissen, il colôr e ducj i materiâi che nus passin pal cjâf (par chest laboratori si domande di puartâ lapis, penarei e penis di ducj i colôrs, fuarpiis e cole). Cun <b>Elena Veronesi</b> , ilustradore. <b>Pe scuele de infanzie e primarie</b>	LAB 3 <b>Musiche Mestris! Seconde Lezion</b> Percors di doi dîs par cognossi diferentis metodologjii di didatiche musicâl midiant tescj ineditis fats a pueste pe ocasion cun chê di furnî ducj i struments pe composizion autonome. Insom dal percors ancje indicazioni preseosis par direzi i vuestris fruts intune corâl a plui vôs o a canone. Cun <b>Arianna Plazzotta e Elena Paroni</b> . <b>Pe scuele de infanzie e pe primarie</b>	LAB 4 <b>No je vere che ogni biel bal al stufe!</b> Il grup folcloristic di Pasiàn di Prât al è pront a dâus la prove che balâ al è biel e divertent par ducj, ma prime di metisi a la prove al è ben vè ancje cualchi idee de storie de nestre danze tradizional. Cun <b>Daria Miani</b> e il grup folcloristic di Pasiàn di Prât. <b>Adat par dutis lis scuelis</b>
	18:30-20:30 polse e cene				
	20:30-22:00	Moment di confront e riflession cui docents			

## MIERCUS AI 29 DI AVOST 2018

Lezioni frontâls	9:30-11:00	<b>Fabio Boltin</b> Aprofondiment di gramatiche furlane - i verps e i pronons
	11:30-13:00	<b>Fabio Boltin</b> Laboratori di scritture sui verps e sui pronons
	13:00-15:00 polse pal gustâ	
	15.00	Partence pe visite compagnade in lenghe furlane dal Museu Gortani di Tumieç (ativitât extra: € 5,00 cuntun grup di almancul 20 personis)